

1 TIMOTEO

Paulo Ovoli Ɖtonyade Kĩ Ɖtsɛlɛ Ɖma Timoteo

I Ovoli kīi to yī, Paulo, kī ĩnye Yesu Kristo foto onyanɛ, kī Baguma boe Ɖtɛnɛ a pau, mo Kristo Yesu kī ye akū budeĩ kɔnɛte a sekẽ.

II Nkɔa mmena no Timoteo, kī onye yī obi ne katekado kame. Mawā kī Baguma boe Ɖlɛga, mo Kristo Yesu boe Ɖlate bemo mi konya, bekɛna mi seme kalɛ, bekpa mi lukudo lemɛ.

Paulo Kpa Kɔde Ne Fovā Fɔletsɛ Batsanɛ a Akū.

III Mawɛ kī buki kadzi ne Efeso ndɛ ayekī nwe ntomena no sekẽ ne lɔko a kī ndzakū manaa Makedonia a. Bati badi deĩ ne awā kī batsa fovā fɔtsa ne Kristo katekado a akū, ade kenɛ kī ate awɛ ne be akū a.

IV Bi be kī befõ lɔko kade kabula ne atitifõ fɔletsɛ mo bawanyo bawanyo kasinu katokõ fɔtsa katsa awɛ. Fɔletsɛ kīi bame katsa ayamena fɔletsɛ kavɛlɛ ne bati kayite. Foe bame lenyé Baguma nhieh kī ekɛna. Katekado odi kame boatsā kanyi foe.

V Letsa a kī de sū makpa no mbla kīi nyɛ kī kenɛ kī boanyi odo a kī eto owolɛ kpalewa, adzuni kpalewa mo katekado wī kame.

VI Lemɛ bati badi muniki ne fɔtsa kīi liti, foesū beyela osi wī a, ade bekɔa be lɔko bekpa fɔletsɛ kavɛlɛ mo fɔkɔasiatsa kalɛ a.

VII Bawε kī banya Mose mbla fotsa batsanε. Lεmε baánu be mɔawε fɔletsa a kī bale, ĩye fukī betε bido mɔ ɔsī mɔ ɔsī a kayɔ malo.

VIII Boe flee bunyina kī Mose mbla a nenε, nte bɔakεna nε ye akū ndε ayekī fɔfeta a.

IX Kenε kī bɔate anε kī betákεna mbla bekpa bati wī, mbom bikī bafum Baguma mbla, bikī bideĩ ato ɔsī, bikī benyε tɔkpa bakεnanε, bikī binyína Baguma, mɔ bikī tɔkpa yi be kamekame. Badi lεmε nyε bikī beláa katεkado kadima kame, bikī bako be balεga mɔ bama, mɔ awudifo.

X Bati bebā lεmε nyε bikī bekɔa akū bekpa linyolewε mɔ litsolewε, banyole kī bawamɔ akū, bati kī bapili bati kanɔ, bavālevā, bikī balɔ fubo kama fɔvā, mɔ be flee a kī bitómɔ fotsa wī a katsa.

XI Fotsa katsa kī a deĩ nε Kale Wī a kī bekɔa bido nε yī awε kī nle a kame. Kale Wī a to Baguma a kī bɔakɔa obu mɔ nhila kakpa a sekē.

Bɔanye Baguma Kɔle Nε Ye Kɔnya Kamɔ Sū.

XII Nlápuli ĩnyε boe ɔlate Yesu Kristo kɔle nε kɔbē a kī ekpa yī nneε makεna adzuma wī kī akū. Manyε ye kɔle kī emó kī nkɔla sū epau yī kī nkεna ye adzuma,

XIII titɔ kī nε lɔkɔ lidi kame ni, nsupa ye, ntomɔ ye liti, nvūna ye malo. Lεmε Baguma mó yī kɔnya, kitonεkī nε lɔkɔ a na kame ni, ntáte ye ndo ade ntányi letsa a kī de nkakεna a.

XIV Ade boe ɔlate mó yī kɔnya pii, efɔ nna katεkado mɔ ɔɔɔ kī fɔnyε boe fude nε ɔmɔa kakεna mɔ Kristo Yesu kamε.

XV Fɔletsa a kī malε nε awī a nyε ɔnɔkɔali kale paa, kī kenε kī bati betε ke bido. Ade foe nyε

kĩ Kristo Yesu ya ne katinya kũĩ kame kĩ yayaate tokpa bakenanẽ. Yĩ nye okpade flefle ne be kame.

XVI Leme Baguma mó yĩ konya ayekĩ Kristo Yesu aapuli ekõa yĩ a kĩ ñnye tokpa okenanẽ flee a, etsa bati bemó ayekĩ edeĩ owõle bõee, lokõa bikĩ bayate ye bido a bena nkpã kĩ ela kawũna a.

XVII Mifõ bokõa obu mo kamu bokpa boe Legã kĩ edzi kito titiiti a, kĩ bõámõ mo ane, kĩ ye odi keĩ nye Baguma a daa daa. Fõya lomõ.

XVIII Yĩ obi Timoteo, kõde a kĩ makpa no ne awĩ a tsẽ ne kate mo fõletsa a kĩ Baguma onukpẽ banyene le ne no akũ biyi a akũ. Kõa fõletsa kũĩ kakena nde kawũkanõ fõtsa lokõa kanõ kawũ a kanõ wĩ.

XIX Pi no katekado ne Kristo kame mo owõle kame kakpale kale mo osĩ mo osĩ. Bati badi tátse be towõle kame kõde ade beyela be katekado a.

XX Be kame badi nye Himenaio mo Aleksandro, kĩ nvele be soto, nkõa be ndo ne Abonsam awe. Fukĩ aafõ befõ fubusuotsa kale ne Baguma akũ.

II

Paulo Kpa Kõde Ne Osum Akũ.

I Fõtsa fõtonyade kĩ mawe kĩ mikena nye kĩ mibõa mpae ne bati flee lolõ. Mikaavia mi fõtsa sĩwa mo be fude flee katomena Baguma sekẽ, mikaanye ye kole ne be flee lolõ.

II Mikaabõa mpae kakpa fõgã mo bikĩ bedzẽ ne bati onukpẽ, ayekĩ bõadzi kulokulo ne lukudo kame, lokõa bupuli busum Baguma ne obu kame.

III Fukĩ nene, fõade Baguma boe Otene a kawõle,

IV kitonekĩ yawe kĩ odi nye odi ena kate lokoa enu onokwali a kayo.

V Ne onokwali kame ni, Baguma mɔape deĩ, ade ayea leme lema okplane mɔape deĩ ne Baguma mɔ batidziwa kayite a. Ade ye nye Kristo Yesu a.

VI Ade ye lokoa ye akũ ebɔa afolie ne bati flee lolɔ a. Ade fukĩ atsa kĩ lokɔ wĩ a kĩ Baguma le eyi kĩ yaate katinya kame bati flee a wo ɔto a.

VII Ade fukĩ sũ Baguma do yĩ nde foto onyane mɔ fɔtsa ɔtsane ne bikĩ benyɛ Yudafo sekẽ kĩ nde letsã ne katekado mɔ onokwali kale a akũ. Nnɛ fovã mama, onokwali kale male.

VIII Ne asoli adi nye adi kame ni, banyole a benya bikĩ be towole kame kpale kĩ baapuli bedela akpɔ ne ode bebɔa mpaɛ kĩ kalokpa ãye ɔdze lelãa be kame.

IX Mawe leme kĩ batsole bedola be akũ, bidzi tilima ne osi kĩ foláatsɔle ane akũ. Fɔnéne kĩ basui tolɔ ne kahɛhe kame, bido sika ngbã mɔ fɔtsa kĩ fote koyá. Betado tetadie kĩ tate koyá leme.

X Mbom be fɔtsakelawa fɔnya fɔtsa wĩ nde batsole kĩ bekɔa be akũ bekpa Baguma.

XI Kene kĩ batsole bedola be akũ, bitse kulokulo bekɔle fɔtsa.

XII Ntãkpa be osi kĩ batsa banyole fɔtsa ãye kĩ benya banyole akũ, mbom kene kĩ bisua onukpẽ bidzi kulokulo.

XIII Kitonekĩ Adam Baguma nya lotɔ ebɔa fɔmɔ eyakena Eva.

XIV Ade nnɛ Adam Abonsam ke, mbom otsole a eke ade efɔ efum Baguma mbla a.

XV Leme otsole aana nkpã ne ye kɔma kame nte edzi ne katekado mɔ ɔdo kame, ekena ye akũ

yedede ne akū kadola kame leme.

III

Paulo Tsa Kutidu a Kĩ Kofeta Asoli Loto Banyane.

^I Fonye onokwali kī nte oti odi awe kī yanya asoli loto onyane ni, adzuma wī liti etomena.

^{II} Kene kī asoli loto onyane enya oti kī nfumusu lelāa ye akū, kī ekōã otsō moape, ye adzuni waa yedede, yapi ye akū ade bati akpa ye obu a. Kene kī enya oti kī yapuli kate banovōẽ ade yapuli katsa fotsa a.

^{III} Ketáne kī enya bave owugane iye oti kī ye ane kame tádo, mbom kene kī enya oti kī edo, kī yaákena odze, ade elá anengbã ne sika akū a.

^{IV} Kene kī epuli edāmena ye toto akū kadāmena wī, lokoa ye babi bibu fokō ne osi nye osi akū.

^V Kitonekī nte onyole lāpuli edāmena ye toto akū ni, nde yaapuli ekpā Baguma asoli a?

^{VI} Kene kī enya oti kī ebuna owi ne asoli a kame, nte nné aye ni yaadela ye akū ne ode, lokoa fotsã lukūta kame eyaato nde ayekī foya fokpa okesīne a.

^{VII} Kene kī enya oti kī bikī benyé bate badone a malo aboa ye dī wī, ayekī eláado ye akū konyoã lokoa ewo ne okesīne a awe kame.

Paulo Tsa Bikī Be Kene Kī Benya Babumenane Ne Asoli Kame.

^{VIII} Ade aye leme kene kī asoli loto banyane babumenane a malo banya bati kī bideĩ obla wī mo onokwali a. Benya bati kī baáwuga bave ade belá anengbã ne sika leme akū.

IX Kene kī bapi katekado foletsa wī a kī benye betsa a bidomō akū mō osī mō osī, bidzi mō towōle kpalewa.

X Ade kene kī basō be bedā ne asoli tudzuma tidi kakena kame. Nte bekpōla ni, baapuli bekēna adzuma nde loto banyane babumenane aye.

XI Kene kī batsō malo bena tebala wī, kī betanya bati kī bale bati akū foletsa. Benya batsole kī baámōa bave kawuga, kī badi onokōali ne letsa nye letsa kakena kame.

XII Dā kī babumenane kī be kame odi nye odi deī otsō mōape, epuli yadāmena ye babi mō tōto kame bati flee akū kadā wī.

XIII Babumenane a kī bakena be adzuma kakena wī a deī kadzakō wī ne bati ane, ade baapuli bena owōle kobē bele kodzela ne be Kristo Yesu katekado akū a.

Miyi Kale Belawa Kpale a Osū.

XIV-XV Tito kī matsēle ovoli kī mma nō malo ni, nlamena osi kadā kī maayasela nō ne loko lukū kame. Leme matsēle ye ayekī nte nkpa liti ni, aanyi ayekī bati bipi be akū ne Baguma asoli a kame. Ade asoli a nye bikī bete Baguma a kī edzi nkpa daa bido, kī fonye luku kī lenone onokōali a.

XVI Ne onokōali kame ni, kale a kī bekōa bekōla ne Baguma osum kame a nye kale kpale kī odima lelāapuli esī ke. Ade foe nye kī,

“Kristo ya ne katinya kame nde otidziwa aye
 Baguma Hūhū a nye etsa kī oti kpalewa yane.
 Ode foto banyane mó ye,
 ade bide letsā ne ye akū ne fude fude kame
 a.

Bete ye bido ne katinya kame flee,
ade Baguma boe ye enamena ode ne
kukūkpale kame a.”

IV

Bati Aatomɔ Fɔvã Fɔtsa Batsane Liti.

^I Hūhū Kpalewa a nye etsa yededeede kī, ne fuwi nkae a kame ni, bati badi aafone onokwali katekado kī awɛ bitse hūhū kpa a kī yake bati, mo hūhū kpa fɔtsa katsa.

^{II} Fɔvã bati kī aagbamena fɔtsa katsa kī odu. Benye bikī be towɔle kame kakona ku nde sobotsae mo ovio bekɔa bipila te.

^{III} Batsa fɔtsa kī kotsɔ mo konyo kadzi lenéne. Bale lemɛ kī ketáne kī bati anya funitsã fudi odu. Lemɛ Baguma lekɛna funitsã a na bame, kī bikī bete bido mo binyi onokwali a, bebɔa mpae ne foe akū benya.

^{IV} Ne ayekī letsa nye letsa kī Baguma boa nene sū ni, ketáne kī bati asī funitsã fudima, mbom kene kī boate letsa nye letsa mo kolekanye ne foe akū.

^V Kitonekī Baguma kale a mo boe kolekanye a akpale funitsã a akū.

Paulo Tsa Bati Kī Benye Kristo Yesu Basumune

Wĩ.

^{VI} Nte atsa awaẽ ame bate badone fotsa kī bame ni, lokɔa aanya Kristo Yesu osumune wĩ, kī bedɔla mo katekado foletsã kī mo boe fotsa katsa wĩ a kī opini a.

^{VII} Foesū vele no akū ne atitifo katekado foletsã mewa mo foletsã kī folá kayo owẽ. Kɔa hūhū kame nkpã kadzi kavele no akū. Baguma foletsã

a, tomɔ foe liti pintii, kadzi nkpã wĩ nde ɔte odone aye.

VIII Akũ ɔsĩ nene kɔ, leme ayekĩ bakɔle Baguma foletsã mɔ foe akũ kakena akpa nfasɔ kĩ ebẽ letsã nye letsã. Kitonekĩ foakpa nɔ nfasɔ ne nkpã kĩĩ kame mɔ nkpã ne wuda liti a leme kame.

IX Ade ɔnɔkɔali kale kĩĩ kene kĩ odi nye odi ate edo a.

X Ne fukĩĩ sũ bɔapuli kakena adzuma kɔɔba, kitonekĩ boe ane teĩ ne Baguma kĩ edzi nkpã a akũ. Ye nye bati flee a kĩ titiliwu bikĩ bete bido a ɔtene.

XI Kene kĩ atsa be foetsã kĩĩ bame flee, ɔdã kĩ odi nye odi kɔle foe.

XII Tafɔ oti odima ledã nɔ nde obisẽ ne ayekĩ ɔnye opopo sũ. Mbom kɔa nɔ akũ kakena nfantuhũ wĩ kakpa bate badone a ne nɔ kɔdzela, nɔ ɔbla, nɔ bati kawɛ, nɔ katekado, mɔ nɔ kadzi yedede kame.

XIII Fomɔ maaya ni, kaakã Baguma kale a katsa be ne asoli, kakaanye foe kayɔ katsa be, katsa be foetsã leme.

XIV Tafɔ hũhũ kame futetsã a kĩ Baguma kɔa edo ne nɔ kame a akũ adzuma kakena. Bekpa nɔ foe betsãmena Baguma onukpẽ banyene akũ ne foletsã a kĩ bele biyi a kame ne lokɔ a kĩ asoli banɔkɔẽ te awe ne nɔ akũ a.

XV Kɔa nɔ akũ flee kakpa ne tudzuma kĩĩ flee kakena kame. Pi te kadomɔ akũ ayekĩ bati flee aamɔ nɔ adzuma lotɔ kanaa biyi ɔsũ.

XVI Di nɔ akũ oni ne foetsã a kĩ atsa a akũ. Pi nɔ adzuma a kadomɔ akũ, kitonekĩ nte ɔkena foe lomɔ ni, aate nɔ mɔawe a akũ mɔ bikĩ batse nɔ kale a nkpã.

V

Dã Bakunawa, Loto Banyane Mo Adzuma Bakenane a Akũ Kadã Wĩ.

^I Tawũni ne onyolenokõ akũ, mbom de ye ne obu kame nde aga aye. Bi bapopo tuwuli nde awaenyole ame aye.

^{II} Bi batsolenokõ tuwuli nde ama ame, mo bayitsõ leme nde awaẽtsole ame ne akũ yedede kame.

^{III} Koa obu kakpa bakunawa kĩ belá babumenane.

^{IV} Leme nte okunawa odi deĩ babi ñye bawa ni, babi a benya loto bekole be osum kame adzuma kakena kakpa be akũ bati, lokoa fotsã foe akũ bedã be bamanne akũ bekoa biyi be aye. Ade fukĩ nye letsa a kĩ lawo Baguma ane a.

^V Okunawa kĩ elá odima kĩ yadãmena ye akũ koa ye ane ete ne Baguma akũ, yaboa mpae lenye mo suwa kavia ye kabumena.

^{VI} Leme okunawa kĩ ekoa ye akũ ekpa nkpa kanya ni, eku kokoe ne Baguma ane titõ kĩ edzi nkpa malo.

^{VII} Kpa be kode ne fotsa kũ bame akũ ayekĩ odima lelãamo mfumsu ne be akũ.

^{VIII} Ade nte mi kame odi lãdãmena ye akũ bati akũ, titiliwu ye toto kame bade akũ ni, ade emuniki ne katekado a liti a. Oti kũ nye oti kpa ebẽ bikĩ betãte bido malo a.

^{IX} Takoa okunawa odima kĩ etãte futeli aduesia tã dĩ obumo bakunawa kĩ bideĩ a. Letsa kĩ libu nye kĩ kene kĩ okunawa enya otsole kĩ bekoaã deedimoape,

X ade kene kī ena dī wī ne ye seme kale kakena sū, enya otsole kī edoola ye babi kadoola wī, yate banovoẽ leme. Enya otsole kī yasum ye bakoba bate badone, yabumo bati kī bideĩ ne lubokamo kame, ade ekõa ye akū ekpa tuwī kakena a.

XI Takoa bakunawa kī betábo ane buĩ odo ne katsu a kame, kitonekī nte konyo kadzi ko be odo ni, baafone Kristo awe,

XII ade baatu fubo a kī belo bekpa ye a lokoa ekõ be koto.

XIII Fukī fubu nye kī, babula be loko kade, katsā kamini ne bati toto kame, kadani banyonepo, kī bale bati akū foletsa, mo foletsa kī fotáfeta kale.

XIV Foesū, mawe kī bakunawa kī betábo ane a bidzi fonyo bema babi, lokoa bedāmena be toto akū. Fukī aafõ beláakena fotsa kī fotáfeta kī fõakpa boe bakesĩne osi be kale tuwuli kpa ne boe akū.

XV Male fukī kitonekī bakunawa pii yela osi koke bitomo Abonsam.

XVI Leme nte bakunawa deĩ ne otsole ote odone odi awe ne ye toto kame ni, kene kī edā be akū, etakoa folotsa a ete ne asoli a akū. Fukī aafõ bate badone a ledā bakunawa a kī belá babumenane a akū.

XVII Kene kī bekpa bate badone banokoẽ a kī bakpā bati karpā wī a obu mo kotokase kutsu nviã, titiliwu bikī bakena adzuma mo osi mo osi ne fotsa katsa mo fotsa kayo kanye kame.

XVIII Kitonekī Katsela Kpalewa a le kī, “Tasui oyae kī yabumo no kamone kagole onukpẽ.” ade, “Kene kī bise adzuma okenane koto bekpa adzuma a kī ekena a.”

XIX Nte odi boe kale ne asoli onokoẽ akū ni, tate foe okpa ye mboente otse kale otomena adansifo

nviã ãye be elale sekẽ.

XX Kã bati a kĩ bakena tokpa ane ne bate badone flee ane kame, ayekĩ fõado babebã a libe.

XXI Ndzẽ ne Baguma, mo Kristo mo ode foto banyane ane kame mabi no ne kudulike kame kĩ pi fotsa katsa a kadomo akũ, tadã oti ane ne no tudzuma kakena kame.

XXII Tawe sowa kĩ ate awe ne odi akũ okpa ye boe ðlate adzuma kĩ ekena. Tado akũ ne bati bebã tokpa kakena kame. Pi no akũ yededeede.

XXIII Ne seme kpa kĩ odeĩ sũ ni, takamoa mui odi mbom kaamoa bave sukuloo sukuloo fubumena no.

XXIV Bati badi titikpa ane kanya moatse kanya be loto kanamena kadze kame, leme badi kõ, liti liti fomõ be tokpa ane kanya.

XXV Ade aye a tuwĩ kakena leme lãbela a, ade fukĩ fõbela a malo fõane kanya.

VI

I Kene kĩ bi bate badone a kĩ benye basumune a kĩ bekõa obu bekpa be balate ayekĩ odima lelãale tuwuli kpa ne Baguma dĩ mo boe fotsa katsa a akũ.

II Ade ketãfeta kĩ basumune a kĩ be balate nye bate badone bekõa be katekado kame omõa kakena sũ bisupa be balate a. Mbom kene kĩ bisum be kasum wĩ beba, kitonekĩ balate a kĩ bana be akũ nfasõ a nye be bate badone mo bawene. Kene kĩ atsa be onõkoali fõletsã kũ lokõa odo be fi bekena ne foe akũ.

Misĩ Fõvã Fõtsa Katsa Mitomõ Baguma Liti.

III-IV Odi nye odi kĩ yatsa fotsa kĩ fotãketi mo boe ðlate Yesu Kristo onõkoali fõletsã, mo boe

katekado fɔtsa katsa a ni, oti a naa dɛla ye akū nɛ ode, ade enyína letsama a. Edeĩ ɔdo nɛ fɔletsa kavele mɔ ɔdze kakɛna mɔ bati akū. Fukĩĩ ayamɛna lineke kanɔ, ɔdze kakɛna, bati kavūna mɔ adzuni kpa kakɔna nɛ oti akū.

V Foe lemɛ fɔayamɛna fɔletsa kavele mɔatɛ mɔatɛ. Bati kĩĩ be lolɔ kamɛ lɛwaa yedede ade bɛyɛla ɔnɔkɔali kalɛ a lemɛ a. Bakɔna kĩ Baguma ɔsum nyɛ akū kana fɔtsa osi odi.

VI Fɔnyɛ ɔnɔkɔali kĩ nte oti yɔɔla anɛ nɛ Baguma liti katomɛna akū, mɔ fɔtsa a kĩ edeĩ a fuwo ye anɛ ni, ɛdani osikani,

VII kitonɛkĩ awɛ pupulidza bɔkɔa bɔya nɛ katinya kamɛ, ade bɔadzakū mɔ awɛ pupulidza a.

VIII Foesū nte budeĩ tilima mɔ funitsā ni, mifɔ fuwo boe anɛ.

IX Lemɛ bati a kĩ anɛ ayɔɔla be nɛ akū kana fɔtsa akū ni, bawo nɛ sɔhuie kamɛ ade bato a. Fɔkɔasiatsa mɔ fɔwɛtsa kpa towɛ pini be fɔavele be kanamɛna lubo kamɔ mɔ kawɔ kamɛ.

X Kitonɛkĩ sika anɛngbā kamɛ tɔkpa kumɛkumɛ flee anɛ kato. Badi tomɔ sika kawɛ liti limii kĩ bɛyɛla katekado a, ade biwo nɛ ayɔlɔhɔ pii kĩ ɛfɔ be towɔle tɛ kaakpa kamɛ a.

Dza Pintii Nɛ Katekado Adzuma a Akū.

XI Lemɛ Timoteo, Baguma oti anɛ sū vɛle nɔ akū nɛ fɔletsa kpa kĩĩ flee ɔwɛ. Pili kakpa tuwĩ kakɛna, katomɔ Baguma liti nɛ katekado, ɔdo mɔ ɔwɔle kado, mɔ akū kadɔla kamɛ.

XII Pili kɔɔba kanya nkpā kĩ ɛla kawūna a kakpa nɔ akū. Ade nkpā kĩĩ sū Baguma pau nɔ nɛ lɔkɔ

a kī ɔnye nɔ katekado ɔtsa pefee ne adansifo pii anɛ a.

XIII Ade makpa nɔ mbla kī ne Baguma kī yakpa letsa nye letsa nkpā, mɔ Kristo Yesu kī enye ye katekado ɛtsa pefee ne Pontio Pilato anɛ kame a dī akū kī,

XIV pi foletsa kī kadomɔ akū pɛpɛpɛ ayekī odima leláamɔ tɔkpa ne nɔ akū, kɛnaawo Luwi a kī boe ɔlate Yesu Kristo aabuki ɛya.

XV Baguma fɛta ɛkpa obu, yanya letsa nye letsa akū, enye fogā flee Lɛgā. Letsa nye letsa ave ye kī Baguma Kpale. Ade ye aanye Kristo kanya ne lɔkɔ wī a kī eyi ɛkpa a kame a.

XVI Ye odi keī dzi nkpā kī elá kawūna dadaada, edzi ne ɔhaī kī odima leláapuli efuā ɛdā ye a kame. Odima támɔ tɔ ye ade odima leláapuli ɛmó ye da. Ye fude nye kamu, obu mɔ otumi daa. Fɔya lomɔ.

XVII Dɛ bikī bideī katinya kame akū fɔtsa kī betapia be akū, ade betakɔa anɛ bite ne akū kana fɔtsa a kī foláawa daa akū, mbom bekɔa anɛ bite ne Baguma kī ye akpa boe letsa nye letsa mɔ semɛ kale ayekī bóamɔ kawɔle a akū.

XVIII Bi be kī bekakɛna tuwī benya asikafo ne tudzuma wī kakɛna kame, bekɛna semɛ kale, bekaate ahiāfo fɔtsa faa.

XIX Nte bekɛna foe lomɔ ni, baakpɔta fɔtsa kī foáwɔ biyi bekpa be akū ne kunya kame, lɔkɔa be awe aata nkpā wī a.

XX Timoteo, dā fɔtsa a kī Baguma kɔa edo nɔ ne awe a akū kadā wī. Tado akū ne kolomɛna pupulidza mɔ fɔkɔasiatsa kavele kame. Ade fukī badi nɛɛ bake bati kī kadikanyi foletsa foanɛ a.

XXI Kitonekĩ badi bɔɛ be akũ kĩ binyina fukĩna
bame, lɛmɛ fɔtsĩ foe akũ beyela katekado osi a.
Mawã Baguma kĩ emɔ mi kɔnya.

Baguma Apam Vɔɛ a Tɔwuli
Tɔwuli: Baguma Apam Vɔɛ a Tɔwuli New Testament
copyright © 2008 Wycliffe Bible Translators, Inc.

Language: (Tɔwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 28 Dec 2024 from source
files dated 29 Jan 2022

68df0193-2981-5275-8994-8f743fe01e5e